

**Акафист святителю Николаю,
архиепископу Мир Ликийских, чудотворцу
(память 6 декабря и 9 мая по старому стилю)**

Кондак 1

Возбранный Чудотворче и изрядный угóднице Христóв,/ миру всему источаяй многоценное милости мíро/ и неисчерпаемое чудес мóре,/ восхваляю тя любовью, Святителю Никóлае;/ ты же, яко имеяй дерзновение ко Гóсподу,/ от всяких мя бед свободи, да зовú ти:// Радуйся, Николае, великий Чудотвóрче.

Икос 1

Ангела образом, земнаго суща естеством яви тебе всея твари Создатель; благоплодную бо доброту души твоя провидев, преблаженне Николае, научи всех вопити тебе сице:

Радуйся, от утробы матерния очищённый;/ радуйся, даже до конца освящённый.

Радуйся, рождением своим родителей удивíвый;/ радуйся, силу душевную абие по рождестве явívый.

Радуйся, саде земли обетовáния;/ радуйся, цвете Божественнаго саждéния.

Радуйся, лозо добродетельная винограда Христóва;/ радуйся, древо чудоточное рая Иисúсова.

Радуйся, крине райскаго прозябéния;/ радуйся, миро Христова благоухáния.

Радуйся, яко тобою отгонится рыдáние;/ радуйся, яко тобою приносится рáдование.

Радуйся, Николáе,/ великий Чудотвóрче.

Кондак 2

Видяще твоих мир изливание, богомудре, просвещаемся душами и телесы, дивнаго тя мироточца живоносна, Николае, разумеюще: чудесы бо яко водами, благодатию Божиею изливающимися, напаяеши верно вопиющих к Богу: Аллилуия.

Икос 2

Разум неуразуменный вразумляя о Святей Троице, был еси в Никеи со святыми отцы поборник исповедания православныя веры: равна бо Отцу Сына исповедал еси, соприсносущна и сопрестольна, Ариа же безумнаго обличил еси. Сего ради вернии научишася воспевати тебе:

Радуйся, великий благочестия столпе;/ радуйся, верных прибежища граде.

Радуйся, твердое Православия укрепление;/ радуйся, честное Пресвятыя Троицы носило и похваление.

Радуйся, Отцу равночестна Сына проповедавый;/ радуйся, Ариа возбесившагося от Собора святых отгнавый.

Радуйся, отче, отцев славная красото;/ радуйся, всех богомудрых премудрая доброто.

Радуйся, огненная словеса испущаяй;/ радуйся, добре стадо свое наставляяй.

Радуйся, яко тобою вера утверждается;/ радуйся, яко тобою ересь низлагается.

Радуйся, Николае,/ великий Чудотворче.

Кондак 3

Силою, данною ти свыше, слезу всяку отъял еси от лица люте страждущих, богоносе отче Николае: алчущим бо явился еси кормитель, в лучине морстей сущим изрядный правитель, недугующим исцеление и всем всяк помощник показался еси, вопиющим Богу: Аллилу́ия.

Икос 3

Имеяше воистинну, отче Николае, с Небесе песнь тебе воспеваема быти, а не от земли: како бо кто от человек возможет твоя святыни величия проповедати? Но мы, любовию твоею побеждаеми, вопием ти сице:

Радуйся, образе агнцев и па́стырей;/ радуйся, святое очистилище нра́вов.

Радуйся, добродетелей великих вместі́лище;/ радуйся, святыни чистое и честное жили́ще.

Радуйся, светильниче всесветлый и вселюб́имый;/ радуйся, свете златозарный и непорóчный.

Радуйся, достойный Ангелов собесéдниче;/ радуйся, добрый человеков наста́вниче.

Радуйся, правило веры благочесті́выя;/ радуйся, образе кротости духо́вныя.

Радуйся, яко тобою от страстей телесных избавля́емся;/ радуйся, яко тобою сладостей духовных исполня́емся.

Радуйся, Никóлае,/ великий Чудотво́рче.

Кондак 4

Буря недоумения смущает ми ум, како достойно есть пети чудеса твоя, блаженне Николае; никтоже бо может я исчести, аще бы и многи языки имел и глаголати восхотел; но мы дивно Богу, в тебе прославляющемуся, дерзаем воспевати: Аллилуиа.

Икос 4

Слышаша, богомудре Николае, ближнии и дальнии величие чудес твоих, яко по воздуху легкими благодатными крилами навекл еси сущих в бедах предваряти, скоро от тех избавляя всех, вопиющих к тебе таковая:

Радуйся, избавление от печáли;/ радуйся, подаяние благодáти.

Радуйся, нечаемых зол прогонителю;/ радуйся, желаемых благих насадителю.

Радуйся, скорый утешителю в беде сущих;/ радуйся, страшный наказателю обидящих.

Радуйся, чудес пучино, Богом изли́нная;/ радуйся, закона Христова скрижали, Богопи́санныя.

Радуйся, крепкое падающих возведéние;/ радуйся, право стоящих утверждéние.

Радуйся, яко тобою всякая лeсть обнажа́ется;/ радуйся, яко тобою всякая истина сбывáется.

Радуйся, Никóлае,/ великий Чудотвóрче.

Кондак 5

Боготечная звезда явился еси, наставляя по морю плавающих люте, имже смерть предстояще вскоре иногда, аще не бы ты предстал еси призывающим тя в помощь, Чудотворче святыи Николае; уже бо нестыдно бесом летающим и погрузити корабли хотящим запретив, отгнал еси их, верныя же научил еси спасающему тобою Богу взывати: Аллилуиа.

Икос 5

Видеша отроковицы, на брак скверный нищеты ради уготованныя, великое твое к нищим милосердие, преблаженне отче Николае, егда старцу родителю их нощию узельцы три злата таяся подал еси, самага со дщерьми избавляя от падения греховнаго. Того ради слышиши от всех се:

Радуйся, милости превеликия сокрóвище;/ радуйся, промышленности о людех приятелище.

Радуйся, пище и отрадо к тебе прибегающих;/ радуйся, хлебе неснедаемый алчущих.

Радуйся, богатство, бедне живущим на земли Богом данное;/ радуйся, воздвижение скорое убóгих.

Радуйся, быстрое нищих услышание;/ радуйся, скорбящих приятное попечéние.

Радуйся, триех дев непорочный невéстителю;/ радуйся, чистоты усердный хранителю.

Радуйся, ненадежных надéяние;/ радуйся, всего мира наслаждéние.

Радуйся, Никóлае,/ великий Чудотвóрче.

Кондак 6

Проповедует мир весь тебе, преблаженне Николае, скорого в бедах заступника, яко многажды во едином часе по земли путешествующим и по морю плавающим, предваряя, пособствуеши, купно всех от злых сохраняя, вопиющих к Богу: Аллилуиа.

Икос 6

Возсиял еси свет животный, избавление нося воеводам, неправедную смерть прияти имущим, тебе, добрый пастырю Николае, призывающим, егда вскоре явлься во сне цареву, устранил еси его, сих же неврежденных отпустить повелел еси. Сего ради с ними купно и мы благодарственно вопием ти:

Радуйся, усердно призывающим тя помога́й;/ радуйся, от неправеднаго убиения избавля́й.

Радуйся, от лестных сохраня́й клеветы́;/ радуйся, неправедных разрушай советы́.

Радуйся, растерзай лжу яко паучину;/ радуйся, возношай славно истину.

Радуйся, неповинных от уз разреше́ние;/ радуйся, и мертвецев оживле́ние.

Радуйся, проявителю пра́вды;/ радуйся, помрачителю неправды́.

Радуйся, яко тобою неповиннии изба́влены от мечá;/ радуйся, яко тобою насладишася све́та.

Радуйся, Нико́лае,/ великий Чудотво́рче.

Кондак 7

Хотя богохульное еретическое отгнати злосмрадие, миро воистинну благовонное, таинственное явился еси, Николае; люди мирейския упасл еси и весь мир своим благодатным миром исполнил еси. И от нас убо богомерзкое греховное злосмрадие отжени, да благоприятно Богу вопием: Аллилуиа.

Икос 7

Новаго тя Ноя, наставника ковчега спасительнаго разумеем, отче святыи Николае, бурю всех лютых разгоняющаго направлением своим, тишину же Божественную приносящаго вопиющим таковая:

Радуйся, обуреваемых тихое пристанище;/ радуйся, утопающих известное хранилище.

Радуйся, плавающих посреде пучин добрый кормчий;/ радуйся, треволения морская уставляющий.

Радуйся, превожделение сущих в вихрах;/ радуйся, согрешение сущих во мразех.

Радуйся, сияние, скорбный мрак разгоняющее;/ радуйся, светило, вся концы земли просвещающее.

Радуйся, от бездны греховныя человеки избавляяй;/ радуйся, в бездну адскую сатану ввергай.

Радуйся, яко тобою дерзновенно бездну милосердия Божия призываем;/ радуйся, яко тобою от потопа гнева избавльшеся, мир с Богом обретаем.

Радуйся, Николае,/ великий Чудотворче.

Кондак 8

Стра́нное чу́до явля́ется притека́ющим к тебе, блаже́нне Нико́лае, свяще́нная твоя це́рковь: в не́й бо и ма́лое моле́ние принося́ще, ве́лиих неду́гов прие́млем исцеле́ние, а́ще то́кмо по Бо́зе упова́ние на тя возло́жим, ве́рно вопи́юще: Аллилу́иа.

Икос 8

Весь еси всем воистинну помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая вопити к тебе сице:

Радуйся, всяких исцелений исто́чнице;/ радуйся, люте страждущим помóщнице.

Радуйся, заре, сияющая в нощи греховной блужда́ющим;/ радуйся, росе неботочная в знои трудов су́щим.

Радуйся, подаваяй требующим благостро́ение;/ радуйся, уготовляяй просящим изобíлие.

Радуйся, многожды прошение предваря́яй;/ радуйся, старым седи́нам силу обновля́яй.

Радуйся, многих заблуждших от пути истиннаго обли́чителю;/ радуйся, тайн Божи́их верный служи́телю.

Радуйся, яко тобою зависть попира́ем;/ радуйся, яко тобою благодное житие исправля́ем.

Радуйся, Нико́лае,/ великий Чудотво́рче.

Кондак 9

Всякия утоли болезни, великий наш заступниче Николае, растворяя благодатная врачевания, услаждающая души наша, сердца же веселящая всех усердно к помощи твоей притекающих, Богу же вопиющих: Аллилуиа.

Икос 9

Ветия суемудренные нечестивых видим тобою посрамленные, богомудре отче Николае: Ариа бо хульника, разделяюща Божество, и Савеллиа, смешаяща Святую Троицу, препрел, нас же во Православии укрепил еси. Сего ради вопием ти сице:

Радуйся, щите, защищай благоче́стие;/ радуйся, мечу, посекай злочёстие.

Радуйся, учителю Божественных велёний;/ радуйся, губителю богопротивных учёний.

Радуйся, лестнице, Богом утвержденная, еюже восхóдим к небесí;/ радуйся, покрове, Богом зданный, имже покрываются мно́зи.

Радуйся, немудрых умудривый твои́ми словесы́;/ радуйся, ленивых подвигнувый твоими нра́вы.

Радуйся, светлесте заповедей Божиих неугаси́мая;/ радуйся, луче оправданий Господних пресвётлая.

Радуйся, яко учением твоим сокрушаются еретическия гла́вы; радуйся, яко тобою вернии сподобляются сла́вы.

Радуйся, Нико́лае,/ великий Чудотво́рче.

Кондак 10

Спасти хотя душу, плоть твою духови покорил еси воистинну, отче наш Николае: молчаньми бо прежде и бореньми с помыслы, деянию богомыслие приложил еси, богомыслием же разум совершен стяжал еси, имже дерзновенно с Богом и Ангелы беседовал еси, всегда вопиющи: Аллилуиа.

Икос 10

Стена еси похваляющим, преблаженне, чудеса твоя и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свободдай, вопиющих ти с любовью таковая:

Радуйся, от убожества вечнаго изымаяй;/ радуйся, богатство нетленное подаваяй.

Радуйся, брашно негиблющее алчущим правды;/ радуйся, питье неисчерпаемое жаждущим жизни.

Радуйся, от мятежа и брани соблюдаяй;/ радуйся, от уз и пленения свободдаяй.

Радуйся, преславный в бедах заступниче;/ радуйся, превеликий в напастех защитниче.

Радуйся, многих от гибели исхитивый;/ радуйся, бесчисленных неврежденно сохранивый.

Радуйся, яко тобою лютыя смерти грешнии избегают;/ радуйся, яко тобою Жизнь Вечную кающися получают.

Радуйся, Николае,/ великий Чудотворче.

Кондак 11

**Пение Пресвятей Троице паче иных принесл еси, пре-
блаженне Николае, умом, словом и делом: многим бо ис-
пытанием правоверная повеления уяснил еси, верою, на-
деждою и любовью наставляя нас в Троице Единому Бо-
гу воспевати: Аллилуиа.**

Икос 11

**Светозарную лучу во мраце жития сущим неугасимую
видим тя, Богом избрание отче Николае: с невеществен-
ными бо ангельскими светы беседуеши о несозданном
Троическом свете, верных же души просвещавши, во-
пиющих ти таковая:**

**Радуйся, озарение Трисолнечнаго свѣта;/ радуйся, ден-
нице незаходимаго со́лнца.**

**Радуйся, свеще, Божественным пламенем возжжѣнная;/
радуйся, яко угасил еси бесовский пламень нечѣстия.**

**Радуйся, светлое правоверия проповѣдание;/ радуйся,
доброзрачное света евангельскаго сия́ние.**

**Радуйся, молние, ереси пожига́ющая;/ радуйся, громе,
устрашающий соблазняя́ющия.**

**Радуйся, истиннаго учителю ра́зума;/ радуйся, таин-
ственнаго изъявѣтелю ума́.**

**Радуйся, яко тобою попрося поклонение тва́ри;/ радуй-
ся, яко тобою научихомся поклонятися Творцу в
Тро́ице.**

Радуйся, Никóлае,/ великий Чудотво́рче.

Кондак 12

Благодать, данную ти от Бога, сведущи, радуящися твою память празднуем по долгу, преславный отче Николае, и к чудному заступлению твоему вседушно притекаем; преславных же твоих деяний, яко песка морскаго и множества звезднаго исчести не могуще, недоумением объяти бывше, вопием к Богу: Аллилуиа.

Икос 12

Поюще твоя чудеса, восхваляем тя, всехвальне Николае: в тебе бо Бог, в Троице прославляемый, дивно прославися. Но аще и поперемногу составленныя от души псалмы и песни приносим ти, Чудотворче святыи, ничтоже творим равно дарованию чудес твоих, имже удивляющися, вопием к тебе таковая:

Радуйся, Царя царствующих и Господа господствующих служителю;/ радуйся, служителей Его небесных сожителю.

Радуйся, людем верным поможение;/ радуйся, рода христианскаго возвышение.

Радуйся, победы тезоименитый;/ радуйся, венченосче нарочитый.

Радуйся, всех добродетелей зеркало;/ радуйся, всех притекающих к тебе крепкое забрало.

Радуйся, по Бозе и Богородице все наше упование;/ радуйся, телес наших здравие и душ спасение.

Радуйся, яко тобою от вечныя смерти свободяемся;/ радуйся, яко тобою безконечныя жизни сподобляемся.

Радуйся, Никóлае,/ великий Чудотвóрче.

Кондак 13

О пресвятый и пречудный отче Николае, утешение всех скорбящих, нынешнее наше прими приношение и от гонимых избавитися нам Господа умоли богоприятным твоим ходатайством, да с тобою воспоем: Аллилуиа. **Трижды.**

Икос 1

Ангела образом, земнаго суща естеством яви тебе всея твари Создатель; благоплодную бо доброту души твоея провидев, преблаженне Николае, научи всех вопити тебе сице:

Радуйся, от утробы матерния очищенный;/ радуйся, даже до конца освященный.

Радуйся, рождением своим родителей удививый;/ радуйся, силу душевную абие по рождестве явивый.

Радуйся, саде земли обетования;/ радуйся, цвете Божественнаго саждения.

Радуйся, лозо добродетельная винограда Христова;/ радуйся, древо чудоточное рая Иисусова.

Радуйся, крине райскаго прозябения;/ радуйся, миро Христова благоухания.

Радуйся, яко тобою отгонится рыдание;/ радуйся, яко тобою приносится радование.

Радуйся, Николае,/ великий Чудотворче.

Кондак 1

Возбранный Чудотворче и изрядный угóднице Христов,/ миру всему источай многоценное милости мiро/ и неисчерпаемое чудес море,/ восхваляю тя любовью, Святителю Никóлае;/ ты же, яко имеяй дерзновение ко Гóсподу,/ от всяких мя бед свободи, да зовú ти:// Радуйся, Николае, великий Чудотворче.